

¡BOMBA!

Parece estar del cocol el negociar con la CNTE, pero ya sólo está pendiente que dejen ver el futbol



K'uintsil

Jueves 11 de junio de 2026

CAMPECHE · YUCATÁN · QUINTANA ROO · AÑO 11 · NÚMERO 2743 · www.lajornadamaya.mx



Cháak jba'an ich enero yéetel junioe' maanal 15% maas k'a'am ti' u ts'ook 30 ja'abo'ob: jxak'al xook

Cháak k'áax tu noj lu'umil México ichil u winalil enero tak junio ti' le ja'ab yaniko'ona' maanal 15 por ciento maas k'a'am ti' u promedioil climatología yanchaj ti' le ts'ook 30 ja'abo'ob, beey tu ya'alaj Jorge Zavala Hidalgo, juntúul jxaak'al ti' u kúuchil Instituto de Ciencias de la Atmósfera y Cambio Climático ichil u noj najil xook Universidad Nacional Autónoma de México (UNAM).

Tu sáasilkúunsaje', ku ch'a'abal promedio beey referencia ba'ale' ma'atech u ke'etel yéetel mix

jump'éel ja'abi'; je'el bix, tu ja'abil 2025e', jach ya'ab cháak k'áaxij, ba'ale' tu ja'abil 2024e', jach p'éel úuchik u báanal ja', le beetik wa ku ke'etel beyo', ma' ya'ab ba'al ku chiikbesiki'.

Ts'o'okole', tu ya'alaj jach k'a'anan u ch'a'anukta'al jejeláas bix u yúuchul precipitación ichil tuláakal u noj lu'umil México, tumen ma' juntakáalili' bix u k'áaxal ja' te'el xamano', mix chúumuk wa tu noojol noj lu'um.

Beyxan le máax káajs u múuch'il meyaj Interacción

Océano-Atmósfera te'el najil xooko', tu ya'alaj jach sáasil yanik cháak ts'ook u k'áaxal tak walkila' te'el ja'abil 2026a', jela'antak; u ya'abile' ts'ook u báanal tu chúumukil México, tumen le beyka'aj ts'ook u múuch'ul u xookil precipitacióne' jach máanja'an ti' u promedioil. Beyxan tu tsikbaltaje' jach k'a'anan u xo'okol yéetel u na'ata'al bix je'el u yojéelta'al beyka'aj je'el u k'áaxal cháak, wa ma', ti' u jejeláas winalilo'ob jump'éel ja'ab, tumen u na'atale' je'el u ts'áak u páajtalil u je'ets'el

ba'ax k'a'anan yéetel uts ti'al kaaj.

Beey túuno', tu ya'alaje' yóok'olal u chan nej k'a'amkach cháak Borise', Servicio Meteorológico Nacional (SMN) ku tukultike' ti' le ts'ook horas kun taale', yaan u báanal k'a'amkach cháak tu kaajilo'ob Puebla, Estado de México, Morelos yéetel Ciudad de México.

Zavala Hidalgo tu ya'alaje' beey ku máan le k'iino'ob ku taalo'obo', tak bejla'a 11 ti' junio, k'iin kéen chúnuk u noj keetil Copa Mundial de la FIFA 2026.